

PLEIV SUMVITG

Radunonza da pleiv 2023/01

Protocol

datum e temps	gievgia, 25-05-2023, allas 20.00
liug	scola, Sumvitg
envidai	parochianas e parochians pleiv Sumvitg
perstgisas	Giusep Bearth, Sumvitg, Alice Cajacob, Sumvitg, Alfonsina Vincenz, Surrein
presents	31
absolut pli	16

Tractandas

1	Beinvegna
2	Eleccziun da 2 dumbravuschs
3	Approbaziun dil protocol dalla radunonza da pleiv dils 31-05-2022
4	Rapport dil president
5	Rapport dalla menadra dil cussegl pastoral
6	Presentaziun dil quen annual 2022
7	Rapport dils revisurs ed approbaziun dil quen 2022
8	Presentaziun ed approbaziun dil preventiv 2023
9	Fixaziun dil pei da taglia per 2024
10	Eleccziuns - suprazonza (president, vicepresidente/actuar ed administratura) - cumissiun da gestiun - commembers dil cussegl pastoral
11	Tractaziun ed approbaziun dil project nova cuschina e diversas lavurs da renovaziun casa pervenda Sumvitg e concessiun dil credit da frs. 130'000.
12	Orientaziuns
13	Varia

1. Beinvegni

Il president Walter Deplazes arva la radunonza e beneventa ils presents. La gliesta da tractandas vegn approvada unanimamein.

2. Elecziun da 2 dumbravuschs

Ils dumbravuschs ein vegni elegi unanimamein.

3. Approbaziun dil protocol dalla radunonza da pleiv dils 31-05-2022

Il protocol dalla davosa radunonza da pleiv ei disponibels silla pagina d'internet dalla pleiv.

Il protocol vegn approbaus unanimamein.

4. Rapport dil president

En siu extendiu e detagliau rapport lai il president Walter Deplazes repassar il curriu e passau duront igl onn vargau ed engrazia cordialmein a tuts involvai sin ina moda ni l'otra.

(Il rapport ei disponibels silla pagina d'internet www.pleivsumvitg.ch).

5. Rapport dalla menadra dil cussegl pastoral

La menadra dil cussegl pastoral Gabriela Lutz rapporta sur dall' activitad da quei gremi dapi la davosa radunonza da pleiv.

(Il rapport ei disponibels silla pagina d'internet www.pleivsumvitg.ch).

6. Presentaziun dil quen annual 2022

Uonn ei il quen annual cul rapport dils revisurs buca vegnius tarmess tier per posta a mintga casada. Quels documents ein d'anflar silla pagina d'internet dalla pleiv.

L'administratura Giuliana Gienal presenta il quen culs detagls leutier.

Il quen siara cun in surpli d'entradas da frs. 855.44.

7. Rapport dils revisurs ed approvaziun dil quen 2022

La revisiun dil quen ei vegnida fatga dalla cumissiun da gestiun dalla quala fan part:

- Cornelia Deplazes, Surrein,
- Thomas Bieler, Rabiun,
- Fabian Collenberg, Sumvitg.

Fabian Collenberg presenta il rapport da revisiun e propona d'approbar il quen sco presentaus.

Il quen vegn approbaus unanimamein.

8. Presentaziun ed approvaziun dil preventiv 2023

L'administratura Giuliana presenta il preventiv 2023.

Il quen current preveda in surpli d'expensas da frs. 11'713.00

Il preventiv dil quen current per igl onn 2023 vegn approbaus unanimamein.

9. Fixaziun dil pei da taglia per 2024

La surpastonza propona da fixar il pei da taglia pigl onn 2024 sco tochen dacheu sin 18 % dalla taglia sempla dil cantun.

La proposta dalla suprastonza vegn approbada unanimamein.

10. Elecziuns

1. Suprastonza

Tier la suprastonza ha ei dau neginas demissiuns. Reelegi per ina perioda da treis onns vegnan:

president	Walter Deplazes, Surrein
actuar/vicepresident	Armin Candinas, Rabiun
administratura	Giuliana Gienal, Sumvitg

2. Cumissiun da gestiun

Era tier la cumissiun da gestiun dat ei neginas abdicaziuns, aschia che:

Cornelia Deplazes, Surrein
Thomas Bieler, Rabiun
Fabian Collenberg, Sumvitg

Il proponi vegnan reelegi unanimamien.

3. Commembers dil cussegl pastoral

Era tiel cussegl pastoral dat ei neginas abdicaziuns, aschia che:

Gabriela Lutz-Soliva, Rabiis

Fabian Bearth, Rabiis

Alice Cajacob-Berther, Sumvitg

Daniela Wieland-Giger, Sumvitg

Maya Deplazes-Kurz, Surrein

Il proponi vegnan reelegi unanimamien.

11. Tractaziun ed approbaziun dil project nova cuschina e diversas lavurs da renovaziun casa pervenda Sumvitg e concessiun dil credit da frs. 130'000.

La casa pervenda da Sumvitg ei vegnida baghegiada ils anno 60 sil fundament dalla casa pervenda veglia. Avon ch'ella ei vegnida fittada igl onn 2005 era vegniu fatg pintgas renovaziuns internas ed igl onn 2008 ei vegniu fatg ina sanaziun externa cun isolar las fatschadas e metter en finiastras novas. Avon che schar a tscheins da niev la casa pervenda ha la suprastanza decidu da renovar ed engrondir la cuschina, dad isolar ils plantschius ell'emprema alzada ed ulteriuras lavurs pli pintgas da renovaziun. Duront l'execuziun dallas lavurs ei semussau ch'igl entir indrez electric ha stuiu vegnir remplazzaus per ademplir las pretensiuns actualas da segirtad. Vitier ha ei dau gronds fastedis cun in donn d'aua pli grond.

Sin l'entschatta d'avrel ein las lavurs stadas finidas ed ils novs locaturs sessentan fetg bein ella casa pervenda renovada.

Atgnamein fuss ei da conceder in credit ella summa da frs. 130'000 avon che exequir las lavurs.

All'entschatta fuva denton previu da mo renovar la cuschina e quei per ina summa che fuss stada ella cumpetenza dalla suprastanza. La finala ei quei project vegnius adina pli gronds per part ord sforz e per part era ord bunas raschuns da renovar ussa era quei che vegneva pér en cuort.

Il project nova cuschina e diversas lavurs da renovaziun casa pervenda Sumvitg ed il credit brut da frs. 130'000 vegnan approbai unanimamein.

12. Orientaziuns

1. Fiastas da baselgia

gievga, ils 8 da zercladur	Sontgilcrest a Sumvitg
dumengia, ils 11 da zercladur	Sontgilcrest per Rabius e Surrein a Surrein
dumengia, ils 18 da zercladur	Sogn Mudest, perdanonza a Sumvitg cun sur Alexi Manetsch sco predicatur festiv
dumengia, ils 27 d'uost	Cor da Maria, perdanonza a Surrein
dumengia, ils 3 da settember	Num da Maria, perdanonza a Rabius

2. Plevon

Sur Saji ha aunc dabiens entgins dis vacanzas ed ei perquei absents naven dils 20 entochen ils 30 da zercladur. La pastoraziun per la sonda e dumengia surprandan sur Alexi Manetsch e pader Paul dalla claustra da Mustér.

13. Varia

Sur Saji engrazia a tut tgi che segida en la pastoraziun, oravontut als translatur da ses texts. Ei legra el fetg d'astgar pastorar nossa pleiv gia dapi 5 onns. Mettend nossa pleiv sut la protecziun dil sogn spert giavischa el vinavon ina buna collaboraziun.

Erwin Gienal giavischa ch'ei vegni era fatg patratgs per ina fossa communal a Sumvitg, damai ch'ei vegn buca fatg diever dalla fossa communal existenta.

Valentin Schmed fa attents da drizzar las plattas el santeri da Surrein.

Rabius, 03.06.2023

igl actuar
Armin Candinas

il president
Walter Deplazes